

北洋官報

目錄

宮門抄
上諭

交旨

奏議○度支部奏邊務大臣調員獎勵章程摺△法部奏
續調人員請以相當官缺補用摺
公牘○林守際康稟一件△董事會呈一件
文告八則△電報九則△新聞十二則
彙編○順直諮議局辦事規則

本局第一百二十一期 法政學報 已出

宮門抄

十一月初七日 民政部 都察院 正黃旗值日 睿王等看視獎賞覆 命 潤貝勒等查驗箭枝覆

命 那王等謝 賞加級 恩 林紹年因孫以內用謝 恩 希璋假滿請 安 明啓 希

朝阿各續假十日 額勒春請假十日 召見軍機 榮光周爰諏都察院各遞封奏一件

上諭

十一月初七日內閣奉

上諭甘肅布政使著何彥昇補授直隸按察使著王乃徵補授欽此

交旨

十一月初七日 軍機大臣欽奉

諭旨民政部奏擬訂府廳州縣自治章程繕單呈覽一摺著憲政編查館覆核具奏欽此

諭旨都察院代奏江西舉人廖爾焱以地方罰款諸多浮濫呈請飭下法部申明定章切實整頓條陳一件著法部

知道欽此

奏議錄要

度支部會奏議覆邊務大臣奏調用人員擬定薪資獎勵章程摺

奏爲遵 旨會議具奏恭摺仰祈

聖鑒事邊務大臣趙爾豐奏調用人員擬定薪資獎勵章程一片宣統元

年八月二十一日奉

硃批該部議奏欽此欽遵由內閣鈔出到部查原奏內稱關外創辦伊始條理紛繁而地

方苦寒飲食起居均與內地迥異調員出關大都推諉方今邊事繁重分理需人自乍了察木多等處劃歸邊務管轄即將來德格事竣辦理善後尤須臂助有資無如招之皆不出於情願又非用兵之時暫可以威令從事查吏部

議覆駐藏大臣聯豫奏請隨員三年差滿准仿照新疆等處向章擇優請獎奉 旨允准在案邊藏事同一律懇

恩俯念邊疆緊要辦事需才凡有奏調出關之員厚給薪資優定獎勵俾該員等久於所事薪水一項藏中奏

定凡奏調者每員月薪一百六十兩咨調者減半尙有整裝歸裝銀兩調藏之員均係佐雜或職銜人員居多而邊

地所調有道府州縣及佐雜職之不同自應按官階之等級定薪資之多寡茲擬道員每員月薪三百兩知府二百

兩同通州縣一百六十兩州同州判府經縣丞八十兩巡檢從九六十兩如係革職人員照對品薪資減半其僅捐

有職銜者果係才堪任用亦月給薪水四五十兩均以到差之日起支所有整裝歸裝川資等費一概免發至奉公

出差往返夫價道府日給銀三兩同通州縣二兩佐雜及職銜人員一兩革職人員仍照對品減半按站發給明定

章程俾共遵守等語度支部查該大臣所請奏調人員厚給薪資優定獎勵係援照吏部議覆駐藏大臣聯豫奏案

辦理所擬按官階之等級定薪資之多寡係爲廣收人才庶邊務得以速臻治理起見自應准如所請惟各該員薪

水動支起止日期應令按年報部查核至原奏內稱優定獎勵一節吏部查光緒三十三年臣部會覆駐藏大臣聯

豫條陳藏務案內奏明以後駐藏隨員三年差滿准由該大臣仿照新疆等處向章分別異常尋常勞績擇優請獎

仍將隨員銜名並到差日期隨時咨部查核其未經咨部及不足三年者概不得率行列保等語今邊務大臣趙爾

豐所稱關外用人與藏中事同一律尙屬實在情形其厚給薪資一條既經度支部照案議准所有將來該員等給獎之處亦應准其照藏員章程辦理俾資得力所有臣等遵旨會議緣由理合恭摺具陳伏乞皇上聖鑒再此摺係度支部主稿會同吏部辦理合併聲明謹奏宣統元年十月二十八日奉旨依議欽此

法部奏續調各廳人員請以相當官缺留廳補用摺

奏爲續調各級廳審判檢察廳人員請以相當官缺分別留廳補用恭摺具陳仰祈聖鑒事竊臣部本年九月間奏定京師審判檢察各廳員缺升補章程單內聲明各級廳用人甚多其得力之員時爲外省奏調如不敷用擬隨時續調京外諳習法律人員並請部應各員互相升轉奉旨依議欽此欽遵在案近來京師地面訟獄日繁審判各員日不暇給各廳候補人員爲數無多其得力者時爲外省調用亦有因事故而去者近復添設刑民兩庭遇有差缺往往不敷任用臣等公同商酌擬將調廳日久當差得力之鄒日燿等二十三員及吏部咨送學治館畢業之丁承濂等二員遵照憲政編查館及吏部限制新章按照各該員原官改以相當官缺留於各廳分別補用俾收得人之效如蒙俞允臣部即咨行吏部註冊及各該員等原衙門並各該省督撫一體遵照至部廳各員互相升轉前已奏蒙恩准自應遵照辦理所有臣部候補郎員主三項人員如有長於審判或諳習檢察事務者由臣等酌量分送各廳學習並隨時咨明吏部立案如果得力再行奏請補用無庸先行奏留各該廳候補以符定章而免紛歧所有續調各級廳人員分別留廳補用緣由謹開列名單恭摺具陳是否有當伏乞皇上聖鑒訓示謹奏宣統元年十月二十一日奉旨依議欽此

謹將留廳補用人員職名繕具清單恭呈御覽計開候選道度支部候補主事鄒日燿候選主事周儒楷分省補用同知李邦楨山東試用知州梁秉厚候選知州趙保三分省通判楊僊超前順義縣知縣

吳亦琳候選知縣朱興渭候選通判周召棠候選直隸州州同翟福謙候選州同徐晉候選州判彭耀

張錫麟候選布理問汪朝甲分省試用布經歷龍騫分省試用鹽大使鄭書祥補用鹽大使慶昌順

天候補縣丞茹啓元候選縣丞徐孝謙張景華徐森黃崇澁布理問銜候選縣丞齊煥章學治館畢

業分省補用知州丁承濂學治館畢業議叙通判朱介曾

公牘錄要

林守際康稟奉飭查勘漳沱河酌擬三策請示文並批

敬稟者竊卑府前奉 前憲台札開據藁城陳令晉州夏牧稟挑漳沱現行河道以興航業而利商民等情飭令前往覆勘妥議稟辦正在束裝起程馳往勘議間復蒙札飭以續據靜海吳令及大城靜海等縣紳民並天津縣議事會稟據劉紳恩晉等多以挑挖漳沱河道必致貽害下游等詞聯名公稟或呈遞說帖飭即詳細查勘通盤籌畫併案妥議稟覆核奪各等因卑府遵往漳沱河詳細履勘情形勘得正定藁城晉州無極深澤安平饒陽獻縣河間大城交河青縣靜海天津十四州縣境內原河寬狹深不一間有淤成平地之區緣漳水木是渾流易淤善油性與黃河永定相埒春夏之交每至斷流此次前往正在伏前汛水初發大雨滂沱淤泥沒脛之時未能細勘沿途所見河身斷港岔支殘隄形蹟猶存正定以西原有巒岡高阜約束不致爲患正定以東平原一片到處漫流北高則南徙南高則北遷數千年來未嘗或異其流域之寬廣南迄南北泊北抵東西縱橫五六百里皆爲昔日漳水經行之道每逢盛漲水高尋丈寬至數里或數十里拔木壞城橫流徧地田園廬墓宛在水中其强悍不馴之性如此卑府嘗考史志掌故漳沱之名禹貢水經不載禹貢曰恒衛既從灤源問答云恒卽槐水在曲陽東流入唐縣衛水在靈壽縣 畿輔地圖記云衛水發源靈壽當時恒衛二水均合漳沱北行故稱既從又曰黃河北流至大陸播而爲九同爲逆河入於海大陸卽今南北泊南泊又名鉅鹿澤北泊亦稱甯晉泊逆河在今靜海縣地縣志作泥河班固叙禹貢以漳爲徒駭今漳淤子牙所行之道卽禹之舊跡也周禮職方曰漳沱嘸夷漳沱之名始見於此通作虜沱虜池虜勺虜多惡池惡沱惡駝呼池呼沱音同字異嘸夷卽澗水又名唐河亦與漳合夏商周時黃河北流挾漳淤漳唐沙淤等水依太行恒山而行北會大清永定等水由章武入海章武卽今天津地定王五年河徙黎陽宿胥口東行入海其漫決之流仍歸禹時舊跡漢書地理志漳沱發源代州鹵城縣東流由三合入海過郡九行一千三百四十里鹵城卽今山西代州繁峙縣地三合卽今天津府青縣地武帝立苑囿於漳沱築金隄塞瓠子導河北行河間各屬皆在九河之間王莽時河決魏郡復東行入海北瀆遂空光武帝渡漳沱在今深澤縣地明帝開大白渠上起蒲吾引冶入泊以濟漕運使冶不與漳通蒲吾在今平山縣地獻帝就饒河鑿平虜渠下抵滄州亦爲通漕饒河

在今饒陽縣地魏明帝鑿白馬河引滹入衡卽今饒陽武強衡水地唐太宗時滹水汎濫漂沒民居始議築隄漢唐以前滹之經流在正定城北其支流仍與黃河漫決之水合而北趨五代時滹之經流移至正定城南夾滹築壘爲守禦計宋代始設防河卒疏鑿各河通漕兼限戎馬足跡復引滹以淤田從此水高而田亦遂高天聖間滹決正定曹馬口衝正定南關壞城西南隅廬舍蕩然居民死者甚衆此後堵而復決者不知凡幾元元貞初關冶河另爲一流滹水十退三四此後塞而復闢者數次致引滹沱入冶爲患至正間壞武強城遂封滹沱河神明永樂時壞深州城始遷今治萬歷間滹水南北並流冀州西南關漂沒元明之世居民屢築小隄曲爲之防總不足以禦盛漲也國朝順治康熙年間滹向東南大徙經正定樂城趙州寧晉藁城晉州束鹿深州武邑冀州衡水武強等境由東鹿百尺口會滏雍正四年平地水深尋丈加封河神復議關冶入浹乾隆十八年由晉州洲頭村徙經束鹿深州衡水武邑武強等境會滏嘉慶六年水入深州城文籍漂盡同治七年滹向東北大徙經藁城晉州無極深澤安平饒陽獻縣河間肅寧任邱霸州保定文安大城靜海等境每逢大水平地深至五六尺及丈餘不等而當年賑濟蠲緩書不勝書者也卑府又周諮博訪滹水來源有名者五十九支冶河來源有名者二十一支滹治兩水在平山城北十里匯成巨流東行每數十年一大徙徙於南多入泊徙於北多入淀亦有數年一小徙或一年而數徙忽一股分數岔數又分數十岔且水勢就低一過而坑窪淤平再過而平陸增高同治七年以前流向東南行入於滏陽河倒漾爲患以後東北行入於文安窪滿而始出時值兵燹之後又遇旱荒官民無力修築隄防任其遷徙歷十三年之久迨至光緒七年始挖獻縣新河三十三里北岸一面出土成隄挽滹全歸子牙而河間等九州縣得免水患其時子牙河身寬不及十丈深不及一丈幸有高屋建瓴之勢水不停留自估修東西兩隄以後子牙河槽愈刷愈覺寬深卑府詳查滹水現行之道河無正身水行地上誠有如藁城陳令所稟者一入正定浩瀚奔騰忽南忽北誠有如晉州夏牧所稟者當滹水初歸子牙時河身淺窄難容隄未修培高厚津靜青大等邑常被水患誠有如該三縣紳民所稟者上年李守映庚奉委查勘此河擬在正定之召同曹馬口引滹就柏棠滋河道溝另挖新河經正定城南藁城縣北無極南境深澤北境至安平東南境之韓家鋪仍入現行滹河計長二百三十里估需銀二百萬兩所豎標記間有占用膏腴之地此民情所以不順也據藁城晉州所稟如現行河道挖深水克歸槽行舟有利此兩邑沿

河居民所以願具甘結也天津靜海大城紳民慮及挑挖直河子牙不能容納難免淹浸此三邑紳民所以極力阻止也又據藁城陳令原稟內稱擬用挖河機器船挑挖漳河一節卑府查得漳河消漲甚速且挾泥沙若用機器船挑挖漳河必致前挖後淤易進難退該令稟內又稱挑挖舊河無庸逐段發給地價一節卑府查得乾隆以後漳水所行之道原未發給地價但目下情形不同未可舉以為例稟內又稱開凍後天津貨船可到深澤略為挖深便可行駛小火輪一節卑府查得每年開凍後凌汛之水不及一月便消迨夫春末夏初每致斷流若行輪舟必致淺擱原稟又稱栽椿築埽以固隄根一節卑府素知河工出險不得已而用椿埽乃救急之計從未出險時通工先築埽段且未計及歲修需款甚鉅也又藁城晉州兩邑原稟並稱此河挖深三四尺至五六尺即得膠土一節卑府查得此河土性層沙層膠各處厚薄不均必須逐段挖坑按地實驗方有把握又據天津靜海大城紳民稟稱此河由大陸澤奔流至河南界再折而北斷不可開直河貽害下游一節卑府查得此河數千年來南入大陸澤而極所云河南界者在大陸澤之南地勢南高北下豈能逆流而上河南界耶該紳民又稱光緒二十二年靜海第六堡格淀隄決大清河水并入子牙水勢頂托有害彼等一節卑府查得子牙河百餘年前由大城縣子牙村分兩股以入東淀維時尚未修築格淀隄所有永定大清子牙南北運之五大河合而為一亦無第六堡村名攷其村基正在東淀水中今格淀隄決入子牙是借清刷濁有大利而無大害已將子牙河槽冲刷深勝於十餘年前數倍至子牙之斷流實因去路過於通暢所致也竊維水之為患黃河為大漳沱次之自古迄今黃有三變北也南也東也漳性亦然黃既可隄漳宜仿行現時漳行中道東入子牙其北本有殘隄以致逗遛南行其南地窄人稠有村落數千水患頻仍甚殷殷望治卑府詳考羣書而知漳沱向無疏濬成案欲求一勞永逸惟有引治入泊不與漳通並於漳河南岸築隄此為上策所慮工程浩大需款更鉅今擬就漳現行灣曲加築隄防師束水攻沙之法上起平山下至獻縣中經正定藁城晉州無極深澤安平饒陽等境長約三百餘里於南岸增築大隄一道即在隄南取土成河以洩澗水北岸本有殘隄可就者修補整齊卑薄者加培高厚兩隄寬高相距遠近當以盛漲足資捍衛為衡隄成之日隄身為道密栽柳株雜木以固隄根將來地畝涸復必多有裨 國計民生誠非淺鮮至濬治兩河口應否建閘臨時再酌此為中策或僅引治入泊疏濬平山正定獲鹿欒城等境故道百餘里即以所出之土堅築禦漳大隄

庶幾兩河分流經費無多此爲下策卑府博採輿論始知該官紳等各就其地各切其利害而言上游者曰挑挖原河水克歸槽不致汎濫爲患母築隄防蓋欲利用渾水以肥地但未慮及挖而復淤徒糜工費也下游者曰濬河既挖深通必致水勢奔騰而下灌注子牙而子牙不能容納漫溢爲災殊不知今之子牙業已寬深與昔情形不同也今上下兩游官紳各執一詞蓋未親歷其境通籌全局無非各顧一隅之見耳卑府開導再三終難融洽應否興辦之處仰祈 憲台鈞裁所有奉飭查勘濬沱河酌擬三策並呈圖說緣由管窺所及理合稟陳 大帥察核施行實爲公便專肅具稟恭請 勛安伏維 鈞鑒

護督憲崔 批稟圖並另稟均悉藁城陳令晉州夏牧前請挑濬濬沱現行河道以興航業該守詳稽載籍察勘情形以濬水本是渾流易淤善汕邊徙靡常向無疏濬成案獻縣大城靜海青縣天津文安東安武清霸州等州縣官紳亦以濬沱開挖直河於下游大有妨礙紛紛稟訴應即毋庸興辦近年濬水並不爲災沿河州縣歲多中稔該守所擬三策不特開辦經費難籌且既築隄身歲修防汛款又從何而出似可均從緩議至濬沱既不挑河其濬河下口亦即不必建閘候行賑撫水利兩局會同核議飭遵具覆此繳

天津縣董事會呈覆高等審判廳文

爲呈覆事案查宣統元年十月十一日接奉移開爲移會事宜統元年九月二十六日奉 督憲端批據敝廳詳覆核明天津縣董事會稟地方審判廳委員承審邢懋德圈佔官荒妨害自治進行一案請查核批示祇遵緣由奉批據詳已悉准如所擬辦理毋庸由縣會同議董兩會傳集邢懋德等再行評議仰即移行遵照繳等因奉此除分別移行外擬合備文移會爲此合移貴會希即遵照施行須至移者計粘抄廳詳等因蒙此當經公同核議此案邢懋德之地來歷不明既承洞鑿察及擬令邢懋德酌交董事會銀洋二千元以充自治經費並詳奉 督憲批准在案自應遵照辦理應請飭令邢懋德將應交銀洋二千元迅即如數交呈案下轉交董事會以便收入自治經費項下所有邢懋德圈佔官荒一案請飭交款緣由理合呈請廳憲查核施行須至呈者

文告錄要

督憲批示錄要○北洋官電局詳京漢鐵路局添掛梁格莊等報房電綫工料應否由支應局撥還請示由 批據

詳已悉候飭支應局核議具覆飭遵摺存此繳○江南製造局稟覆查明藥水各廠出數較少緣由請察核由批據稟查明藥水各廠出數較少由於少建廠座之故自係實在情形現在各種藥水既稱足敷配用應俟將來局款充裕再行推廣辦理此繳

藩台批示○新河縣從九王體仁呈批此案因傅朋壽安英才二人無從查傳是以案懸至四五年之久現在傅朋壽既已到案即或安英才尚無下落亦可詰問豈能再事宕延候札催新河縣迅將傅朋壽提案秉公切實訊追究斷詳奪爾速回籍候質弗逗遲

學台批示○鹽山縣附生孫鑄等稟假公濟私懇恩飭委調查一案批據稟各節將學警自治一律抹煞其為私憾仇視概可想見仍不准理該生等自稱輿論之代表尤屬謬妄此批

臬台批示○祁州民人鄭典來司呈控一案批呈詞支離含混顯有不實不盡惟既據控縣有案候札飭深澤縣先行錄案詳奪一面傳集人證研訊確情填格錄供通報爾即回縣投審毋得在省逗遛粘單附○蠡縣監生魏五行來司呈控一案批案經該縣傳訊爾因要證朱洛聘未到並不靜候集質輒復來轅砌瀆殊屬刁狡候飭縣作速添傳朱洛聘到案質訊確情斷結具報爾即回縣候訊毋得在省逗遛

直隸全省協贊會公啓○啓者南洋將開勸業大會敝埠與上海均開出品協會及展覽進行會以爲預備協助之資前已知會各工廠並分行各州縣各將天產製造教育美術各物品全行呈送來會以憑分別陳列出售在案第本省出產祇有此數同人識見亦多未周當此環球薄海商務競爭優勝劣敗之秋誠恐諸凡叢脞疏漏隕越

堪虞不得不集思廣益借助他山伏願崎人志士哲學通儒碩賈鉅商名工巧技或智慧超羣或材藝出衆或能改良舊貫或能獨出新裁自出機杼造作新器或深通格致默運靈思於農工商藝實業普通專門確有心得或別有意見均祈迅賜教益惠示周行俾循方鍼藉作圭臬總使闕者補之疎者密之散者聚之以匡敝會之不逮

是尤鄙等之深幸也夫專泐奉詢祇頌台安統希涵照不備

清苑縣告示○爲出示曉諭事照得省城東南隅盲啞學堂定於十一月初一日開學前已由該堂張貼招生廣告誠恐或未週知合再出示曉諭爾紳民人等如有盲啞學生情願入堂肄業者務速來堂報名切毋延誤特示

天津縣議事會議覆公告○雙港民立三十六小學堂堂董楊澤濤說帖爲學款待撥請求無限懇祈劃示界期並行速爲議決事 議覆說帖閱悉現已開通常會各學堂請補助各節應如何籌辦之處不久即當發表此覆○趙宋氏說帖爲開修馬路拆毀民房懇恩議准免拆以救蟻命事 議覆說帖閱悉現無拆修馬路確信所陳各節應勿庸議此覆○河東義界村正副劉家麟徐士棻說帖爲房契不發久羈義署懇祈申請權憲照會義領事發還契據以蘇民困事 議覆說帖閱悉候申請關道憲照會義領事設法磋商發還契據此覆○劉錕說帖爲再陳苦情懇恩安議設法拯救移請賞領以全倫常事 議覆說帖閱悉此案前由南段總局判定所請各節候再移詢該總局核辦此覆○張義廷說帖爲被賊誣扳叩懇查明以免牽連事 議覆說帖閱悉案關刑事訴訟仰自向探訪局理處可也此覆○曹明倫說帖爲包工被害懇恩公議拘追以歸欠款而清困苦事 議覆說帖閱悉已在前說帖答覆矣此覆

附錄天津官事○護督憲及運台張都轉均蒙 恩詔賞加頭品頂戴○候補知縣宋大令渭春奉 護督憲札委本署文巡捕差

電報錄要

倫敦電○傳聞和蘭京城擬於一千九百十三年開辦萬國大博覽會祝賀萬國和平會以爲紀念

又電○英屬澳洲首府消息澳洲煤廠罷工之風潮尙未止息日前日本輪船裝運煤斤航抵澳洲該煤工不准卸煤上岸

又電○紐約消息美國現有銅礦工人一萬餘人擬同盟罷工以致銅業大受影響現在曼尼波利地方往來商務甚爲減色

又電○官場報告英政府擬派克魯伯爵充駐印度總督以繼曼杜氏之任

又電○英屬澳洲首府電云澳政府電致英海軍部謂澳政府擬立即建造裝甲巡洋艦一艘以便擴充海軍

又電○英儲君威利士親王擬於明年往非洲遊歷於西九月在非洲舉行遊獵十月舉行南非洲開辦議院典禮又電○美京電云美政府現在預算陸軍經費共一千九百萬鎊美國陸軍部請國會訂立軍律於戰時組織義勇

除并實行練習戰陣之事以期有備無患云

巴黎電○法政府擬以投標法招人製造飛艇兩艘將從前飛艇之式更改并決定於明年造成飛艇數艘

紐約電○美國海軍大臣米德喀夫氏擬派海軍武員數人充顧問官添設船廠機器等料以便研究各項新法

新政紀聞

政治

世職驗放之待查○陸軍部以陝西期滿雲騎尉世職閻選昌楊舍樑等呈請准予驗放等情經部查得此案前據

該世職等親賚甘督咨文赴部驗到本部以原咨履歷均未聲叙襲案奏准年月日期無憑查核當即電查現准

陝西撫院轉據督院電覆到部經本部據覆片查吏部在案該世職等所請驗放應俟吏部查覆到日再行核辦

蘇臬委查監獄改良○蘇臬左廉訪以改良監獄爲憲政要務各州縣均以籌款困難藉口雖據稟報開辦多係因

陋就簡敷衍塞責茲因迭奉 民政部札催已不啻三令五申究竟各屬有無成效特委巡檢吳國祚調查江甯

揚州通州淮安四屬監獄改良事務該員已於日前起程赴甯次第前往各屬云

湖北催建審判法庭○湖北武漢試辦高等地方各級審判廳因廳屋未經造成暫附於府縣官署頃督院接法部

咨以審判法庭應有獨立性質自以從新建築爲合宜如財力實有不給儘可就各項閒廢公局處所酌量修改

不得與現在之各政官署混合以清界限刻已札行臬司暨審判廳籌辦處迅即催飭趕於年內造成勿得延誤

外交

宴會各國領事官○初六日 護督憲在公園設筵敦請各國領事等官參觀展覽會陳列各品到者係德法義瑞

荷奧日本各國領事官及日本提督等宴會荷國博領事於該會陳列之唐山洋灰磚及煙葉棉花大瓜最爲注

意兼欲同提學使游觀各學堂意國特領事則注意古玩及金鋼鑽玉石紫檀紅木奧國高領事則注意皮革及

天津教育品製造器日本國領事官亦甚注意古玩津郡古玩以延古齋藏最富商彝周鼎漢瓦唐碑燦然大

備日領事固津津樂道即 護帥亦贊賞不置是日惟英美俄比等國領事未到云

咨請保護游歷外人○護督憲准 外務部咨美人懷德赴直隸山西湖北四川游歷又美女士衛瑞錢閨德同往

直隸山東山西河南四省游歷又准鄂督咨英教士童聖智由漢赴湖北河南山東直隸江蘇安徽游歷又日本國津村勝之輔赴湖北河南直隸江蘇浙江江西游歷又准東撫咨英教士伊理遜前往山東直隸河南陝西山西游歷各等情已分飭所屬照章保護矣

呈請保護游歷外人○護督憲據津海關道呈英商李特由津赴直隸山東河南湖北山西奉天吉林黑龍江游歷又英人麥爾汀郝教士賈思德科齡均由津赴直隸江蘇福建廣東湖南湖北游歷又英員克富敦華益思商人碩士由津赴直隸山西游歷又日本人山下貞造由津赴井陘縣游歷又美商丁義華赴山西太原府游歷又東海關道申日本人濱永末一赴山東直隸江蘇安徽浙江等省游歷各等情除分行外已分札所屬照章保護矣

學務

官立女學續招新生○天津河東官立第四女子小學堂由十一月初一日起續招學生二十名於正月隨班開學

肄業

中學堂組織學藝會○江蘇常州府中學堂常年經費均須年前預邀各縣學紳籌議來年經費本屆特於日前呈請本府轉告各縣邀請學紳於上月二十五日落郡會議因先期於二十三日由教員學生自行組織學藝會並不涉及公家款項以便各縣學紳會商時兼可展覽成績云

知照學堂成績展覽會期○浙省教育總會奉提學司照會略云本司定於十二月初一日開全省各學堂成績展覽會以便擇尤運送南洋勸業會所有各學堂成績務於十一月二十以前彙送到杭等語茲聞該會奉文後已知照大小各學堂遵辦矣

諭令學生購閱洋文報紙○鄂提學高文宗凌齋以近來各國報紙登載中國時事及對中國議論頗可借鑑因特諭令方言學堂諸生將各國報紙關於政治學術方面者譯成漢文由刷印局印成多份俾各學堂學生均得購閱以長智識

實業

展覽會添改會場規則○天津河北公園展覽進行會原議三六九日爲女客入覽之期應設招接員優待一切但

男女有別現議嗣後凡女客臨會祇須接待入室毋須陪坐深談又本年入冬多風少雪天乾物燥火燭一事尤宜小心謹慎已示知售品所各商店除照章不得炊爨外即煤油洋燭及火柴煙捲亦須格外留神不得稍涉大意云

組織皖南出品協會 ○安徽蕪湖商會於上月初八日開會提議組織皖南出品協會事宜當由總協理陸廷植湯鈺泉兩君宣佈宗旨茲由皖南道李梅坡觀察認籌經費一千五百兩餘概由商會擔認隨即公舉謝君岷泉為總幹事姜君少廷徐君瀛仙為副幹事現正佈置一切茲將簡章錄下 一緣起本出品協會事務所係遵照南洋勸業會定章由皖南道會同蕪湖商務總會組織設立 一定名南洋勸業會定章於各大商埠組織出品協會查蕪湖為皖省通商巨埠故定名曰皖南出品協會 一宗旨本出品協會事務所為南洋勸業會之補助機關亦以所賽物品發達實業為宗旨 一所在地本事務所暫於蕪湖商務總會間壁旌德會館內賃租房屋為辦公地俟會場擇定陳設時再行遷入 一信守本會一切文件悉用監督道篆以昭信守 一職員本事務所除照定章以皖南道為監督外並以商會總協理為本會總協理其餘應設職員如左(甲)總幹事一員(乙)副幹事二人(丙)文牘一員(丁)庶務幹事二員(戊)會計幹事一員(己)陳列幹事二員(庚)評議員無定額(辛)臨時委員無定額(壬)司事若干人(癸)繕寫二人 一職務本會事務所所設各員其職務如左(總幹事員)主持辦理本所一切事宜(副幹事員)贊助總幹事辦理本所一切事宜(文牘)掌關於撰擬公牘規章編纂報告擬禮式及紀錄編輯演說稿餘等事項(庶務幹事)掌關於本所及會場一切設備整理凡商店租地會外招待稽查夫役暨無所附麗諸事項皆屬之(會計幹事)掌經費之豫算決算收入支出及購置物品等事項(陳列幹事)掌檢查出品陳列出品搬運出品及整理陳列場稽察看守人等諸事項(評議員)掌辨別出品之良莠及應否陳列等事項(臨時委員)掌辦理指定之事項(司事)承各職員之命處理佈置一切雜項(繕寫)承各職員之命繕寫一切公件 一經費本事務所以及會場經費由監督認籌銀一千五百兩餘由商務總會贊助 一附則本事務所之內容根據於南洋勸業會代訂各省出品協會章程第十三條之規定按照本地現在時勢酌量增損擬以事務所為執行機關仍由皖南各府州縣申送物產另請紳商學界組織協贊會以為本會之贊助

第一百十二條 凡表決酌用起立法或投簽法 用起立法時議長使以問題爲可者起立計其數目宣告可否之結果如議員對於其結果有異議者即改用投簽法 用投簽法時設簽二種一以表可一以表否用無記名投之

第一百十三條 議長須宣告表決之結果

第一百十四條 關於議員本身及親屬之議案該議員不得與表決之數

第一百十五條 議員不得請更正自己之表決

第七章 議事錄速記錄

第一百十六條 議事錄記載左則事項

一關於開會閉會之事及其年月日時

二開議延會中止及散會之月日時

三每次出席議員之總數

四出席官長之姓名

五議長及委員報告之事件

六已交會議之議案題目

七提議者之姓名

八決議之事件

九可決及否決之數各若干

十本局認爲必要之事件

第一百十七條 議事錄每次編成後議長閱定交書記宣讀公認無訛由議長或整理本日會議之副議長及書記長或其代理人署名保存於辦事處

第一百十八條 議員對議士於錄所載事實如有異議議長當使書記答辯議員不服其答辯議長可不用討論

取決於衆議員

第一百十九條 速議記錄記載議事一切言論但有按照諮議局章程第四十三條認爲違章之發議不必記載
第一百二十條 演說議員於速記錄簿印分配後之翌日得請更正字句但不得更改演說之旨趣

第八章 質問

第一百二十一條 關於諮議局章程第二十六條事件對總督行質問時須由諮議局作質問書呈請總督批答
第一百二十二條 議員對於總督之批答如有疑義得再由諮議局作質問書呈請說明理由

第一百二十三條 因總督批答之結果或不得批答時議員欲就質問事件提議者有三十人以上之贊成即可
作爲議題

第九章 陳請建議

第一百二十四條 陳請建議者須具書署名蓋印并註明籍貫職業官階及年歲若不能自署名託他人代署者
代署人當附記緣由署名蓋印違者概不受理

第一百二十五條 法人之陳請建議代表者署名蓋法人印章

第一百二十六條 陳請建議須有議員爲介紹介紹之議員當於書面署名蓋印

第一百二十七條 議員對於陳請建議事件請諮議局急行審查之時議長可不用討論取決於衆議員限時日

付之陳請建議委員

第一百二十八條 陳請建議有數人同具一書者當將姓名連署之由首列者蓋章

第一百二十九條 諮議局應摘具陳請建議事由及其人姓名籍貫職業並介紹議員姓名列爲書表 陳請建

議書表應依次印刷分配於各議員

第一百三十條 陳請建議委員於審查之結果從左之區別報告諮議局

一應付會議者

二無須付會議者

天寒病劇

杭州學堂教習自述患風溼骨痛如何為韋廉士大醫生紅色補丸所治愈

時屈冬令天氣潮寒其疾即由不潔之血而起以致痛苦異常莫能忍受而其疾之最劇者莫若風溼骨痛腰背痠疼外感風寒筋系刺痛肩膊骨節頑硬背肉四肢疼痛等症其疾既由血薄不潔而起則欲療治其疾必先清理其血使藥力直達血中而後可韋廉士大醫生紅色補丸有補血生血之功能使血稠濃鮮紅以驅除其血中之毒故嘗醫治腰背疼痛風溼骨痛腎髌痠痛筋系刺痛以及相類等症已不下數千萬人矣茲有杭州中學堂教習劉永



杭州劉齡君來函云○余腿患風溼每逢陰潮天氣其痛尤甚而又發腫步履艱難永齡君雖試多藥內服外擦非徒無益且日加重後從友言試服韋廉士大醫生紅色補丸至今日獲全愈步履安詳身軀爽適余深感製此補丸之大醫生無溼為韋廉士大醫生紅色補丸為報爰書數言用伸謝悃 韋廉士大醫生紅色補丸自創製以來已歷廉士大醫生紅二十餘寒暑盛行於天下各國矣聞嘗醫治無風溼骨痛腎髌痠痛腰痛骨疼色補丸痛筋系刺痛諸症又曾醫治胸膈疼痛癆病初起感冒風寒等疾是丸亦為所治愈天下著名能醫治 血薄氣衰 諸虛百損 少年斷喪 陽萎不舉 腦

筋衰弱 胃不消化 肝經各病 背骨疼痛 頭目暈眩 左癱右換 腳氣衝心 跳舞瘋病 乾溼癬癩

癩癰疔疹以及皮膚諸症服之莫不立奏奇效又為醫治婦科各症之聖藥即如經水不調無故哭笑一服是丸諸恙悉除誠有補天浴日之功也 韋廉士大醫生紅色補丸中國各處商店藥局凡經售西藥之處均有出售或直

向上海九江路B字第八號韋廉士醫生藥局中國總發行處購買亦可 價銀每六瓶八元 每一瓶大洋一元

五角 遠近郵費一律不取

上海九江路B字第八號韋廉士醫生藥局啟

商務印書館出版各書上海總發行所

分館

發售

欽定大清會典事例全書 會典 會典圖 版式大小謹遵 進呈原本 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期 其初義無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資獨發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津分館開設 河北大胡同 電話五百二十六號



天津商務印書館新書出版



天津商務總會代收兩湖吉林水災賑款數目及各善士銜名第五次

報告

肥鄉縣正堂代募第一百六號冊共助洋十五元 肥鄉縣正堂四元 鍾少驥二元 王來卿 代理肥鄉縣高等學堂董王賜爵縣肥鄉高等學堂副教員王鳴鑾 肥鄉高等學堂司事霍斐然 肥鄉官錢商協立成各助洋一元 肥鄉總店代募第一七號冊共助銀十兩 元泰興魏四店四兩 柴子良二兩 蔡士洲 曹竹生各助銀一兩 博野縣正堂代募第二十四十六號冊共助銀四十兩內十兩升平一錢七分去色五分內三十兩短平七錢五分升色五分實合公 砥化寶銀三十九兩四錢二分洋五十一元除原來差去盤費洋五元實收洋四十六元 博野縣正堂十兩 十悅九兩 蔣士銅 蔣士琛 蔣毓川 各助銀六兩 蔣鴻達三兩 董經明 白家莊張汝舟 博野縣正堂十兩 培珍 陳湯田 劉廷選 鄧廣和 于筆湘 汪茂林 蕭冬嶺 董經明 時炳辰 吳王莊王冠英 蔣士銓 郭錦林 劉峻峰 李國昌 程應麟 宋亞均 郭清垣 李善成 高炳堃 孔慶餘 胡金銘 朱 清瑞 龐建勳 徐俊章 恒聚成 義生永 豫泰恒 王葆榕 周純仁 劉鍾桂 于鑑塘 高贊琦 喬 桂齡 楊燮周 董冠羣 韓春陽 仲紹由各助洋一元 馬際雲二元 盧殿甲 楊學海 祥慶當各助洋三元 博野總店代募第二百四十七號冊 振興鹽總店四元 雞澤縣鹽總店代募第一百十五號冊共助洋十一元內有站人洋五元因鑽字去色一角二分實收洋十一元八角八分 信昌總店代募第一百七十八號冊 稽書小寨子店 北莊子店 孫葆子店 雙塔子店各助洋一元 新樂縣鹽總店代募第一百七十八號冊 新樂縣鹽店五元 新樂縣正堂代募第一百七十七號冊共助洋六十七元內有站人洋十二元加色一角三分 分共收洋六十七元一角三分銅元一百四十四枚 新樂縣知縣麥汝良二十元 幫審委員試用知縣王肇 洛刑錢 幕友李植夫各助洋四元 勤學總董李永年 巡警總局巡官鍾壽 典史宋長榮 管帶新樂縣退伍軍宋 全田 高等小學堂教員祝永圖 南巡警分區警董秦殿楓 張桂芬 支發處麥遇需各助洋二元 東路巡警分區警董張紹閔 張士傑 寶文光 教練所董事王連昌 趙維藩共助洋十元 蘇廣蔭 西路 張其萬 北路巡警分區警董史思義 寶文光 教練所董事王連昌 趙維藩共助洋十元 蘇廣蔭 西路 巡警分區警董高明德 東路巡警分區官劉朝榮 楊康成 巡警教練所教員謝榮恩 西路巡警分區 官邱鳳翔 駐防營李道明 西南路勸學員謝殿嘉 北路勸學員韓修文 南路巡警 分區官陳紹淞 何玉階各助洋一元 高等小學堂司事劉文明一百枚 巡警教練所書記謝金聲 南路巡警 總局巡官呂書元 張義廷各助銅元一千文 永平府理事廳代募第三百三十一號冊永平府理事同知松浦 二元 以上統共助洋一百五十元一分 銅元二百四十四枚 津公砥化寶銀四十九兩四錢二分

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 產

大小皮包法國洋號又新到轉盤換調器匣八音盒價值格外從廉仕宦官商尤願者請移玉紫竹林法租界本行面議可也

本行開設天津上海香港志呢琴海參巖等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鐲子表璧大小八音盒並留聲話匣單雙桶千里眼磁磨花穿衣鏡妝梳洋鏡

本行主人啟

瑞林祥元記 綢緞洋貨

本號開設北京前門外鮮魚口天津估依街中間路北山東濟南府院西路北自置綢緞紗羅顧繡蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器珧藍 奇巧美術玩器 學界文房用品 旅行攜帶等件 精工變身物料 定織各色蓆氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

督署兩等小學招生廣告

一宗旨 以合教官紳士民子弟為主不分省界
二地址 在督署後天緯路北
三學級 本校分高等初等兩級
四課程 高等 講經 歷史

格致 算術 手工 音樂 英語 體操 第三年第二初等 讀經 國文 算術 音樂 團畫
學期酌添農業商業工業為隨意科任各學生認學一科 初等 體操 第二年第一學期添歷史地理
五年齡

高等以十四歲以下十一歲以上為合格
初等以八歲以上十一歲以下為合格
六學費 免收
七膳費 由本堂備午膳不收費
八書籍操衣

均自備
九資格 高等以能作短文為合格
初等以能識字能寫字為合格
十卒業 高等初等均以四年卒業
十一獎勵均遵 部章

高等生卒業最優等得獎廩生優等獎增生中等獎附生 初等由督帥及 提學司考試分數合格由本校發給卒業文憑准其升學
十二報名 由學生父兄偕同妥實保證人至天緯路北本校報名聽候傳考惟本人父兄不得作保證人

督署兩等女學招生廣告

一宗旨 以合教官紳士民女子為主不分省界
二地址 在督署後花園
三學級 本校分高等初等兩級
四課程 高等 講經 歷史

格致 算術 圖畫 女紅 讀經 國文 算術 音樂 女紅 圖畫
紅 音樂 英語 體操 初等 畫 體操 第三年第一學期添歷史地理
五年齡 高等以十四歲以下十一歲以上為合格初等以七歲以下為合格

六學費 免收
七膳費 由本堂備午膳不收費
八書籍操衣費 均自備
九資格 高等以上十一歲以下為合格

文為合格初等以能識字能寫字為合格
十卒業 高等初等均以四年畢業
十一報名 由學生父兄偕同妥實保證人至天緯路本校報名聽候傳考惟本人父兄不得作保證人

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼
官報局甘肅籌賑處謹啓

工商演說廣告

啓者十一月初三日晚八鐘至十一鐘仍借東宣講所內演說工商各項要理並請韓鏡湖先生演說流質上下側三者壓力之功用紀管滯先生演說立憲國之國民有擔任國債之責任宋則久先生演說工商研究之要素務乞各工商屆時惠臨入聽不取分文特先佈告
天津勸工陳列所謹啓

助柴鳴謝

啓者本堂收養孀孤年來人數增多不獨米糧用鉅而冬令燒柴尤為大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃
廣仁堂公啓

鳴謝助款

邑紳花翎候選道李公鴻翰謹遵故父李公鍾瑒遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請督憲奏獎外理合登報鳴謝以為樂善好施者勸
天津廣仁堂謹啟

天津南開私立第一中學堂招考新班學生

考期一在本年十二月初六日上午一在明年正月十八日下午